



**REPUBLIKA E SHQIPËRISË
BASHKIA PUKË
KËSHILLI BASHKIAK**

Nr.2273/3 prot.

Pukë, më 06.01.2025

VENDIM

Nr. 71 datë 27.12.2024

“PËR MIRATIMIN E RREGULLORES SË KOMISIONIT KËSHILLIMOR “PËR TITUJT VENDORE TË NDERIT, KRITERET DHE PROCEDURËN E DHËNIES SË TYRE SI DHE EMËRTIMIN E RRUGËVE, SHESHEVE, TERRITOREVE, INSTITUCIONEVE DHE OBJEKTEVE NË JURIDIKSIONIN E BASHKISË PUKË”

Në mbështetje të ligjit nr.139/2015 “Për Vetëqeverisjen vendore”, i ndryshuar, neni 8, neni 9, pika 1.1,a/b, pika 1.7, a/b neni 54, germa “m”; ligjit nr. 94/2022 “Për Titujt e Nderit dhe Titujt Vendor të Nderit në Republikën e Shqipërisë”, VKM nr.861 datë 10.12.2014 “Për miratimin e rregullave të hollësishme për funksionimin e komisioneve për dhenien e medaljeve dhe titujve vendorë të nderit në Republikën e Shqipërisë”, me propozim të kryetarit të Bashkisë, Këshilli i Bashkiak , në mbledhjen e tij të dates 27.12.2024 mori në shqyrtim dhe pas diskutimit të anëtarëve;

VENDOSI:

1. Të miratojë Rregulloren “Për Titujt Vendorë të Nderit, Kriteret dhe Proceduren e Dhënies së Tyre si dhe Emërtimin e Rrugëve, Shesheve, Territoreve, Institucioneve dhe Objekteve në Juridiksionin e Bashkisë Pukë” sipas tekstit bashkëlidhur këtij vendimi.
 2. Për zbatimin e këtij vendimi ngarkohet Kryetari dhe Administrata e Bashkisë Pukë, Kryetari dhe Sekretari i Këshillit të Bashkisë si dhe Komisioni Këshillimor për Titujt Vendorë të Nderit të Këshillit të Bashkisë.
 3. Ky vendim hyn në fuqi sipas ligjit Nr. 139, datë 17.12.2015 “Për vetëqeverisjen Vendore”
 4. Vendimi u shpall me date 06.01.2025.
- Vota te vlefshme gjithsej : 11
Vota pro 11 , vota kunder 0, vota abstenim 0

SEKRETARI

Hazbi Terbuni

KRYETARI

Gjon GJOKA



22.01.25

H. Terbu
S. Smu
pen
Jullik



REPUBLIKA E SHQIPËRISË

2273/14
21.01.2025
REPUBLICA E SHQIPËRISË
SEKRETARIA
BASHKIA PUKË

Nr. 35/1 prot.

PREFEKTI I QARKUT SHKODER

Shkodër, më 20.01.2025

LËNDA: Mbi vendimin Nr.71, datë 27.12.2024 të Këshillit të Bashkisë Pukë.

KESHILLIT BASHKIAK PUKE

Prefekti i Qarkut Shkodër në zbatim të kompetencave që i jep ligji nr.107/2016 dt.2.10.2016 "Për Prefektin", i ndryshuar, Urdhërit të Kryeministrit Nr.50, datë 12.04.2017 "Për miratimin e detyrave të administratës së Prefektit të Qarkut", Urdhërit të Ministrit të Brendshëm Nr.175 dt.9.07.2020 "Për miratimin e rregullores së Brendshme "Për organizimin dhe funksionimin e Institucionit të Prefektit të Qarkut" si dhe aneksi 1 "Rregullat për procedurat e verifikimit dhe kontrollit nga Prefekti i Qarkut", Kreu II, neni 4, Ligjit Nr.139/2015 datë 17.12.2015 për "Vetëqeverisjen Vendore" i ndryshuar, neni 9, pika 1.7/a/b, neni 25, neni 54/n, neni 55/2, ligjit Nr.94/2022 "Për titujt e nderit dhe titujt vendore të nderit në Republikën e Shqipërisë", ligjit Nr.9270/2004 "Për sistemin e adresave" i ndryshuar, VKM Nr.861 datë 16.12.2014 "Për miratimin e rregullave të hollësishme për funksionimin e komisioneve këshillimore për dhënien e medaljeve dhe titujve vendore të nderit në Republikën e Shqipërisë", analizoi **VKB Pukë nr.71 datë 27.12.2024: Mbi miratimin e rregullores së komisionit këshillimor "Për titujt vendore të nderit, kriteret dhe procedurën e dhënies së tyre si dhe emërtimin e rrugëve, shesheve territoriale, institucioneve dhe objekteve në juridiksionin e Bashkisë Pukë".**

Për sa trajtuar, Prefekti ju autorizon të procedoni.

Duke ju falenderuar për bashkëpunimin,

P R E F E K T I

Majlinda ANGONI





REPUBLIKA E SHQIPËRISË
BASHKIA PUKË
DREJTORIA E MENAXHIMIT TË BURIMEVE NJERËZORE

Nr. 2273/2 prot.

Pukë, më 13.12.2024

RREGULLORE E KOMISIONIT KËSHILLIMOR TË BASHKISË PUKË

“Për Titujt Vendorë të Nderit, kriteret dhe procedurën e dhënies së tyre si dhe emërtimin e rrugëve, shesheve, territoreve, institucioneve dhe objekteve në juridiksionin e Bashkisë Pukë”

**Neni 1
Baza ligjore**

Kjo rregullore hartohet në bazë të Kushtetutës së Shqipërisë, neni 113/1, Ligjit nr 139/2015 datë 17.12.2015 “Për vetëqeverisjen vendore”, neni 54, pika k, 11; Ligji nr. 94/2022, datë 22.12.2022 “Për titujt e nderit dhe titujt vendorë të nderit në Republikën e Shqipërisë”, VKM nr. 861 datë 10.02.2014 “Për iniratinimin e rregullave të hollësishme për funksionimin e komisioneve këshillimore për dhënien e “Medaljeve dhe Titujt Vendorë të Nderit në Republikën e Shqipërisë”.

**Neni 2
Objekti**

Kjo Rregullore përcakton mënyrën e funksionimit të Komisionit Këshillimor për Titujt Vendorë të Nderit. Gjithashtu përcakton procedurën dhe kriteret për dhënien e titujve vendorë të Nderit si dhe për emërtimin e rrugëve, shesheve, territoreve, institucioneve dhe objekteve në juridiksionin e Bashkisë Pukë.

**Neni 3
Qëllimi**

Qëllimi i kësaj rregullore është përcaktimi i llojeve të titujve të nderit që jepen nga Bashkia Pukë si dhe emërtimit të rrugëve, shesheve, territoreve, institucioneve dhe objekteve në juridiksionin e Bashkisë Pukë.



Neni 4

Parime të përgjithshme

1. Titujt e nderit u jepen personave fizik ose juridik vendas ose të huaj, të cilët kanë një kontribut të shquar në dobi të bashkësisë qytetare, në fushat e ndryshme të jetës: historike, kulturore, sportive, muzikore, artistike, humanitare, etj.
2. Dhënia e titujve të nderit, udhëhiqet nga parimet e vlerësimit të kontributit, meritokracisë, transparencës dhe mirënjohjes publike.
3. Përfitimi i një titulli nderi nuk është një e drejtë dhe nuk mund të kërkohej si e tillë, në rrugë individuale.
4. Personi që ka marrë një dekoratë nga Presidenti i Republikës nuk mund të përfitojë më vonë në kohë një titull nderi, medalje apo titull vendor nderi.
5. Kjo rregullore aplikohet për titujt e nderit, dhënia e të cilëve nuk rregullohet me një akt tjetër ligjor.
6. Nuk jepen Tituj Vendorë Nderi personave që kanë qënë bashkëpunëtor të Ish-Sigurimit të Shtetit dhe Agjenturave të Huaja.
7. Rugët, sheshet, territoret, institucionet dhe objektet në juridiksionin e Bashkisë Pukë mund të emërtohen me emra të personaliteteve të shquara në nivel kombëtar e lokal ose të huaja me kontribut në promovimin e interesave të Bashkisë Pukë ose të Kombit Shqiptar si dhe ngjarje historike.

Neni 5


Krijimi i Komisionit Këshillimor për Titujt Vendorë të Nderit

1. Pranë Këshillit të Bashkisë krijohet Komisioni Këshillimor për Titujt Vendorë të Nderit i përbërë nga 5 anëtarët, nga të cilët 3 anëtarë duhet të jenë punonjës në varësi të Bashkisë Pukë dhe 2 anëtarë personalitete të shquara jashtë Administratës së Bashkisë.
2. Zgjedhja e anëtarëve të Komisionit Këshillimor miratohet me Vendim të Këshillit të Bashkisë sipas parashikimeve në Ligjin nr. 139/2015 datë 17.12.2015 si dhe Ligjit nr. 94/2022 datë 22.12.2022.
3. Mënyra e organizimit dhe funksionimit të Komisionit Këshillimor përcaktohet në Rregulloren përkatëse të miratuar me vendim të Këshillit të Bashkisë.

Neni 6

Vendimmarrja e Komisionit Këshillimor

1. Mbledhja e Komisionit Këshillimor për Titujt Vendorë të Nderit është e vlefshme kur në mbledhje janë të pranishëm më shumë se gjysma e anëtarëve të Komisionit (50% + 1).
2. Vendimet e Komisionit Këshillimor janë të vlefshme kur shumica e numrit të përgjithshëm të anëtarëve të Komisionit votojnë pro (50% + 1).
3. Një çështje për të cilën Komisioni Këshillimor voton kundër në një mbledhje të zakonshme, nuk mund të shqyrtohet nga ky Komision brenda një periudhe prej 3 muajsh.



Neni 7

Llojet e titujve vendorë të nderit dhe medaljeve

Titujt vendorë të nderit dhe medaljet jepen nga Këshilli Bashkiak dhe Kryetari i Bashkisë respektivisht.

1. Titujt e nderit që jepen nga Këshilli Bashkiak:

a) "Qytetar Nderi"

1. Çdo personaliteti shqiptar ose të huaj për veprimtari të shquar në dobi të Bashkisë ose për veprimtari për mbrojtjen dhe promovimin e vlerave të saj.
2. Personaliteteve të shquara që kanë dhënë kontribut të spikatur dhe që kanë lënë gjurmë në Bashkinë e Pukës.
3. Qytetarë të Pukës që kanë dhënë kontribut të shquar në Shqipëri dhe jashtë saj.

Akordimi i këtij titulli bëhet në përputhje me parashikimet ligjore të përcaktuara në Ligjin nr.94/2022 datë 22.12.2022 "Për titujt e nderit dhe titujt vendorë të nderit në Republikën e Shqipërisë", dhe aktet nënligjore në zbatim të këtij ligji.

b) "Titull i veçantë vendorë i nderit"

1. Këshilli i Bashkisë ka të drejtë të krijojë dhe të japë jo inë shumë se 2 (dy) tituj të veçantë vendorë nderi në një vit kalendarik, për të shprehur mirënjohjen e posaçme për veprimtarinë e shquar në dobi të komunitetit të saj.
2. Titujt e veçantë vendorë të nderit krijohen me vendim të njësisë së vetëqeverisjes vendore, i cili përmban:
 - a) Nevojën për nderimin e veçantë;
 - b) Arsyen përse nderimi me titullin "Qytetar Nderi", sipas pikës 9 të Ligjit nr.94/2022, nuk është i përshtatshëm dhe i i mjaftueshëm dhe shtetasi i propozuar për nderim duhet dalluar nga shtetasit e tjerë;
 - c) Emërtesën e titullit të veçantë vendor të nderit, i cili përkon me një datë ose ngjarje të shënuar në territorin e njësisë së vetëqeverisjes vendore.

2. Medaljet që jepen nga Kryetari i Bashkisë:

a) "Personalitet i Bashkisë Pukë"

Kryetari i Bashkisë jep medalje për personalitete të shquara:

- a) Personalitet i shquar në fushën e Arsimit.
- b) Personalitet i shquar në fushën e Shëndetësisë.
- c) Personalitet i shquar në fushën e Letërsisë dhe Arteve.



b) "Mirënjohje e Bashkisë Pukë"

Kjo medalje u akordohet personave fizik apo juridik, vendas ose të huaj që kanë kontribut të shquar, në fushat e ndryshme të jetës: kulturore, historike, sportive, humanitare etj të cilat nuk parashikohen në pikën 2/a.

Neni 8

E drejta e nismës dhe propozimit për dhënien e titujve të nderit

Propozimi për dhënien e Titujve të Nderit mund të bëhet nga :

1. Kryetari i Bashkisë.
2. Prefekti i Qarkut.
3. Çdo anëtarë i Këshillit Bashkiak.

Propozimi për dhënien e medaljeve mund të bëhet nga:

1. Drejtues të institucioneve rajonale.
2. Organizata jofitimprurëse vendase ose të huaja.
3. Drejtues të Institucioneve arsimore dhe kulturore.

Neni 9

Procedura e propozimit dhe dokumentacioni shoqërues për titullin e nderit që miratohet nga Këshilli i Bashkisë

1. Propozimi duhet të dërgohet jo më vonë se 90 ditë kalendarike përpara datës së propozuar për dhënien e titullit në sekretarinë e Këshillit Bashkiak, me përjashtim të rasteve të veçanta kur respektimi i këtij afati është bërë objektivisht i pamundur.

2. Në aktin e propozimit përcaktohen :

- a) autoriteti propozues dhe baza ligjore për propozimin.
- b) Emri, Mbiemri dhe një prezantim të personit të propozuar (duhet të disponojë edhe foto);
- c) arsyet e hollësishme që çojnë në propozimin e personit;
- d) vërtetimi se personi i propozuar nuk është dënuar ndonjëherë për shkelje të rënda të ligjit ose nuk është nën hetim;
- e) llojin e titullit vendor të nderit ose medaljes që propozohet.
- f) letër rekomandimi nga një institucion i të njëjtës linjë me të cilin është i lidhur aktiviteti profesional apo njerëzor i personit të propozuar;
- g) materiale dokumentuese që dëshmojnë për arritjet e personalitetit gjatë jetës së tij, si botime, çertifikata, diploma, fletë falenderimi ose mirënjohje etj, të cilat ndihmojnë këshilltarët të kenë një informacion më të plotë të propozimit për dhënien e titullit;



h) deklaratë për personin e propozuar që nuk i është akorduar më parë një titull tjetër i nivelit inë të lartë se ai vendor;

i) Çdo propozim për dhënie titulli duhet të shoqërohet me motivacionin përkatës në mënyrë të përmbledhur, motivacioni i cili rishqyrtohet nga komisioni përkatës.

3. Në rastin kur nisma ndërmerret kryesisht nga Këshilli i Bashkisë, është i mjaftueshëm dokumentacioni nga gërma b deri në gërmën i të pikës 2 të këtij neni.

Neni 10

Procedura e shqyrtimit të propozimit

1. Sekretaria e Këshillit të Bashkisë propozimin për titullin vendor të nderit sipas pikës 1 të nenit 8, brenda 5 ditëve kalendarike ja përcjell për shqyrtim Komisionit Këshillimor për Titujt Vendor të Nderit.

2. Komisioni Këshillimor verifikon nëse akti i propozimit përmban të gjitha elementët e procedurës dhe dokumentet shoqëruese.

3. Në rastin kur Komisioni vëren mangësi në dokumentacion ose kërkon informacion shtesë, propozuesit i kërkohet plotësimi i dokumentacionit brenda 15 ditëve kalendarike nga data e marrjes së propozimit, plotësimi i tij nga autoriti propozues. Plotësimi i propozimit bëhet jo më vonë se 15 ditë kalendarike nga data e marrjes së njoftimit.

4. Nëse propozimi është i plotë, Komisioni paraqet mendimin e tij me shkrim para Këshillit Bashkiak brenda 30 ditëve nga data e marrjes së propozimit.

5. Procedurat për shqyrtimin e dhënies së një titulli nderi nuk mund të zgjasin më shumë se 60 ditë kalendarike.

6. Procesi i shqyrtimit të propozimit mund të shtyhet apo të pezullohet përkohësisht për rrethana të paparashikuara, që dëmtojnë reputacionin dhe vlerën e aktit të dhënies së titullit vendor të nderit në opinionin publik, deri në sqarimin e këtyre rrethanave.

Neni 11

Miratimi i propozimit

1. Propozimi miratohet me vendim të Këshillit Bashkiak i cili është autoriteti përgjegjës për miratimin ose jo të propozimit për dhënien e titullit të nderit.

2. Votimi për dhënien e titujve të nderit bëhet sipas përcaktimeve të Ligjit nr.139/2015 "Për vetëqeverisjen vendore".

3. Me vendim të Kryetarit të Bashkisë për medaljet dhe certifikatat e parashikuara në këtë rregullore.

Neni 12

Refuzimi i propozimit

Propozimi refuzohet kur:



1. Kur propozimi për dhënie e titullit vendor të nderit ose medaljes nuk miratohet, Komisioni Këshillimor për dhënie e titujve vendor të nderit në Bashkinë Pukë bën njoftimin autoritetit propozues për mosminiratim.

2. I njëjti propozim nuk mund të bëhet pa kaluar 1 vit kalendarik nga njoftimi i refuzimit të propozimit.

Neni 13

Certifikata e akordimit të titullit

1. Certifikata për akordimin e titujve është e formatit A4 dhe shoqërohet me simbolet e Bashkisë.
2. Certifikatat për titujt e aprovuar nga Këshilli Bashkiak nënshkruhet nga Kryetari i Këshillit Bashkiak dhe vuloset me vulën e Bashkisë Pukë.
3. Certifikatat për titujt e aprovuar nga Kryetari i Bashkisë nënshkruhet nga Kryetari i Bashkisë dhe vuloset me vulën e Bashkisë Pukë.
4. Në çdo rast certifikata shoqërohet me një medalje sipas specifikimeve të përcaktuara me Vendim të Këshillit të Ministrave.

Neni 14

Ceremonia e dhënies së titullit

1. Ceremonia e dhënies së titullit organizohet nga institucioni propozues në bashkëpunim me sekretarinë e Këshillit Bashkiak brënda 30 ditëve kalendarike nga miratimi i tij.
2. Dhënia e titullit bëhet me ceremoni publike / jopublike.
3. Titujt e nderit i jep kryetari i Këshillit Bashkiak ose persona të autorizuar nga ai si dhe nga Kryetari i Bashkisë (për titujt e propozuar prej tij).
4. Titulli i nderit i jepet personit të cilit i akordohet. Në rast dhënie titulli pas vdekjes, titulli i jepet familjarëve të personit.
5. Si rregull, dhënia e titulli duhet të jetë e lidhur me përvjetorë të ngjarjeve të rëndësishme historike, kulturore si dhe me festat kombëtare.
6. Çasti i dorëzimit të titujve të nderit mund të shtyhet apo të pezullohet përkohësisht, nëpërmjet të njëjtit akt me të cilin është dhënë fillimisht për rrethana të paparashikuara, që dëmtojnë reputacionin dhe vlerën e aktit të dhënies së titullit vendor të nderit në opinionin publik, deri në sqarimin e këtyre rrethanave.

Neni 15

Evidentimi i titujve të nderit

1. Titujt vendor të nderit që jepen nga Këshilli Bashkiak evidentohen në një regjistër të veçantë, i cili administrohet nga sekretaria e Këshillit Bashkiak.



2. Titujt e nderit ose medaljet që jepen me vendim të Kyetarit të Bashkisë evidentohen në regjistër të veçantë nga drejtoria e Menaxhimit të Burimeve Njerëzore të Bashkisë Pukë.

Neni 16

Emërtimi i Rrugëve, Shesheve, Territoreve, Institucioneve dhe Objekteve në juridiksionin e Bashkisë Pukë

1. Këshilli i Bashkisë është organ vendimmarrës për emërtimin e Rrugëve, Shesheve, Territoreve, Institucioneve dhe Objekteve në juridiksionin e Bashkisë Pukë dhe udhëhiqet nga parimi i vlerësimit të kontributit, meritokracisë dhe miirënjohjes publike në vendimmarrjen e tij.
2. Gjatë procedurës së emërimit vlerësohen personalitete të shquara me kontribut të spikatur në nivel lokal dhe kombëtar si dhe ngjarje me rëndësi në historinë e Pukës si dhe në nivel kombëtar. Mund të emërtohen edhe me emra të personaliteteve të huaja të cilat kanë kontribut në promovimin e interesave të Kombit Shqiptar ose të Pukës.

Neni 17

E drejta e propozimit për emërtimi i Rrugëve, Shesheve, Territoreve, Institucioneve dhe Objekteve në juridiksionin e Bashkisë Pukë

1. Propozimin për emërtimin e Rrugëve, Shesheve, Territoreve, Institucioneve dhe Objekteve në juridiksionin e Bashkisë Pukë, e kanë:
 1. Kryetari i Bashkisë.
 2. Prefekti i Qarkut.
 3. Çdo anëtar i Këshillit Bashkiak.
 4. Organizata jofitimprurëse në nivel kombëtar.

Neni 18

Procedura e shqyrtimit të propozimit për emërtimi i Rrugëve, Shesheve, Territoreve, Institucioneve dhe Objekteve në juridiksionin e Bashkisë Pukë

1. Procedura e propozimit dhe shqyrtimit të tij për emërtimin e rrugëve, shesheve, territoreve, institucioneve dhe objekteve në juridiksionin e Bashkisë Pukë realizohet sipas parashikimeve të nenit 8 dhe 9 të kësaj rregulloreje për sa nuk bie në kundërshtim me objektin e vendimmarrjes së Këshillit të Bashkisë.

2. Propozimi për vendimarrje në Këshillin e Bashkisë shoqërohet me një relacion dhe dokumentacion shoqërues nga Drejtoria e Planifikimit të Territorit dhe Investimeve Publike pranë Bashkisë Pukë ku përcaktohet vendndodhja e objektit që emërtohet.

3. Vendimi i Këshillit të Bashkisë miratohet bazuar në dispozitat e Ligjit nr. 139.2015 datë 17.12.2015 "Për Vetëqeverisjen Vendore".



Neni 19
Interpretimi i Rregullores

1. Kur ngrihen pretendime lidhur me interpretimin ose zbatimin e kësaj rregulloreje, ose për çështje të paparashikuar në të, Komisioni Këshillimor, Kryetari i Këshillit dhe Këshilli i Bashkisë përdorin si referencë aktet ligjore dhe nënligjore në fuqi.
2. Në raste të tjera, kërkesa mund të paraqitet për interpretim nga Komisioni Juridik, i Mbrojtjes dhe Sigurisë Publike si dhe Komisioni i Mandateve dhe Rregullores së Këshillit të Bashkisë Pukë.

Neni 20
Hyrja në fuqi

Kjo rregullore pas miratimit të Këshillit të Bashkisë hyn në fuqi sipas përcaktimeve të nenit 55 të Ligjit nr.139/2015 "Për vetëqeverisjen vendore".

KRYETARI

RRON DODAJ



A large, stylized handwritten signature in blue ink, which appears to be "H. Guri", is written at the bottom of the page.